

ZUNFT SCHWAMENDINGEN

K i n d e r d e l e g a t i o n e n
am Sechseläuten 1984

<u>Zunft:</u>	<u>Delegationsteilnehmer:</u>	<u>Begleitende Mutter</u>
St. Niklaus	Jacqueline Marti Robert Künzler Patrick Hug	Frau Marti
Stadtzunft	Cecil Rechsteiner Beat Rechsteiner Nicole Rechsteiner	Frau Rechsteiner
Saffran	René Stadler Perry Streit Jacqueline Zwahlen Marc Zwahlen	Frau Stadler
Drei Königen	Lukas Meier Franziska Blaser Ruth Blaser	Frau Meier
Riesbach	Beatrice Mannhart Gaby Mannhart Stefan Zwahlen	Frau Mannhart
Letzi	Mark Roth Andreas Krebs Roland Krebs	Frau Roth

16.3.84 WAR/uk

ZUNFT SCHWAMENDINGEN

Kinderdelegation Sechseläuten 1984

Zunft St. Niklaus: Zunftlokal Restaurant Sternen Oerlikon
Schaffhauserstrasse 335/Franklinstr. 1

Hochgeachtete Herr Ehrezunftmeischer und Zouftmeischer,
Sehr verehrti Herre Vorsteher, Zöiffter, Ehregescht und
Gescht,

De Zouftmeischer, d'Vorsteher und Zöiffter vo de Zouft
Schwamedinge wöisched Ihne als eusere Nachbar- und
Göttizouft es untrüebts Sächsilüüte. De Zouftmeischer und
d'Vorsteher möchtet Ihne nomal ganz herzlich danke für das
wunderschön 50-jährig Jubiläum wos händ därfe im letschte
Septämber bi Ihne im International erläbe. Sie freued sich
scho jetzt, wänns mit Ihne, Herr Zouftmeischer, und Ihrer
Vorsteherschaft zäme im nächschte Summer därfed s'10-jährig
Jubiläum von der Zouft Schwamendinge fire.

(Nachher dem Zunftmeister ein Päcklein mit "Schwamendingerli"
übergeben).

Bitte am Montag, den 9. April 1984, um ca. 11.30 Uhr im
Restaurant Du Pont die "Schwamendingerli" abholen.

19.3.84 WAR/uk

ZUNFT SCHWAMENDINGEN

Kinderdelegation Sechseläuten 1984

Zunft zur Letzi: Zunftlokal Restaurant Kaufleuten
Pelikanstrasse 18

Hochgeachtete Herr Ehrezouftmeischer und Zouftmeischer,
Sehr verehrti Herre Vorsteher, Zöiffter, Ehregescht und
Gescht,

De Zouftmeischer, d'Vorsteher und Zöiffter vo de Zouft
Schwamedinge gratuliered Ihne ganz härzlich zu Ihrem
50-jährige Jubiläum und freued sich, dass Ihr zäme mit de
andere Jubilare hüt därfed a der Spitze vom Sächsilüüteumzug
laufe. Sie freued sich aber no vil me, wänn Sie dänn es
grosses Jubiläumsfäscht mached - vor allem freut sich da Euse
Zouftmeischer ufs gueti Aesse bi Eu.

(Nachher dem Zunftmeister ein Päcklein mit "Schwamendingerli"
übergeben)

Bitte am Montag, den 9. April 1984, um ca. 11.30 Uhr im
Restaurant Du Pont die "Schwamendingerli" abholen.

19.3.84 WAR/uk

ZUNFT SCHWAMENDINGEN

Kinderdelegation Sechseläuten 1984

Zunft Riesbach: Zunftlokal Restaurant zum Grünen Glas
Untere Zäune 15

Hochgeachtete Herr Ehrezouftmeischter und Zouftmeischter,
Sehr verehrti Herre Vorsteher, Zöiffter, Ehregesch und
Gesch,

De Zouftmeischter, d'Vorsteher und Zöiffter vo de Zouft
Schwamedinge gratuliered Ihne allne zu dere wundervolle neue
Zouftstube und hoffed, dass es Ihne allne da für die kommende
Jahrzähnt und Jahrhundert guet wird gfalle und dass Sie da än
ändgültigi Blibi gfunde händ.

D'Schwamendinger freued sich ganz bsunders, wänns dänn au
amal därfed Ihre Stube go aluege cho und die schön neu
Umgängig mit Ihnen därfed gnüsse.

(Nachher dem Zunftmeister ein Päcklein mit "Schwamendingerli"
übergeben).

Bitte am Montag, den 9. April 1984, ca. 11.30 Uhr im
Restaurant Du Pont die "Schwamendingerli" abholen.

19.3.84 WAR/uk

Kinderdelegation Sechseläuten 1984

Zunft zu den Drei Königen: Zunftlokal Kongresshaus,
Gotthardstrasse 5

Hochgeachtete Herr Ehrezouftmeischer und Zouftmeischer,
Sehr verehrti Herre Vorsteher, Zöiffter, Ehregescht und
Gescht,

De Zouftmeischer, d'Vorsteher und Zöiffter vo de Zouft
Schwamedinge gratuliered Ihne, hochgeachtete Herr Zouft-
meischer, zu Ihrer ehrevolle Wahl und wöisched Ihne es
schöns und untrüebts Sächsilüüte und en ebeso untrüebti
Amtsziit als Zouftmeischer.

D'Schwamendinger danked Ihne au für de fründlich Empfang bim
Bsuech im letschte Jahr uf Ihrer Stube und hoffed, dass au
Sie bald wider emal en Bsuech uf eusere Stube mached.

(Nachher dem Zunftmeister ein Päcklein mit "Schwamendingerli"
übergeben.)

Bitte am Montag, den 9. April 1984, ca. 11.30 Uhr im
Restaurant Du Pont die "Schwamendingerli" abholen.

19.3.84 WAR/uk

Kinderdelegation Sechseläuten 1984

Zunft zur Saffran: Zunftlokal Zunfthaus zur Saffran
Limmatquai 54

Hochgeachtete Herr Ehrezouftmeischer und Zouftmeischer,
Sehr verehrti Herre Vorsteher, Zöifter, Ehregescht und
Gescht,

De Zouftmeischer, d'Vorsteher und Zöifter vo de Zouft
Schwamedinge gratuliered Ihne, hochgeachtete Herr
Zouftmeischer, zu Ihrer ehrevolle Wahl und wöisched Ihne
allne es untrüebts Sächsilüüte. D'Zouft Schwamendinge freut
sich, dass d'Saffre-Zouft sich sälber treu blibe isch und
dass s'Bankgschäft a de Spitze von de Zouft witerhin würdig
verträte n'isch.

D'Schwamendinger danked Ihne au für de fründlich Empfang wos
am Martinimahl 1982 bi Ihne gha händ und hoffed, dass die
guete Beziehige zwüsched eusne beide Zöift au witerhin wird
ahalte.

(Nachher dem Zunftmeister ein Päcklein mit "Schwamendingerli"
übergeben).

Bitte am Montag, den 9. April 1984, um ca. 11.30 Uhr im
Restaurant Du Pont die "Schwamendingerli" abholen.

19.3.84 WAR/uk

Kinderdelegation Sechseläuten 1984

Stadtzunft: Zunftlokal Hotel Zürich
Neumühlequai 42

Hochgeachtete Herr Ehrezunftmeischer und Zunftmeischer,
Sehr verehrti Herre Vorsteher, Zöiffter, Ehregescht und
Gescht,

De Zunftmeischer, d'Vorsteher und Zöiffter vo de Zunft
Schwamedinge gratuliered Ihne, hochgeachtete Herr
Zunftmeischer, zu Ihrer ehrevolle Wahl und wöisched Ihne,
näbscht eme schöne und untrüebte Sächsilüüte möglichscht
wenig Baulärm in der Umgäbig vom Hotel Züri und au Ihne
möglichscht wenig Lärm wäred Ihrer Amtsziit.

(Nachher dem Zunftmeister ein Päcklein mit "Schwamendingerli"
übergeben)

Bitte am Montag, den 9. April 1984, um ca. 11.30 Uhr im
Restaurant Du Pont die "Schwamendingerli" abholen.

19.3.84 WAR/uk